

ՀԱՇՎԵՏՎՈՒԹՅՈՒՆ

ՀՀ ԼՈՌՈՒ ՄԱՐԶՊԵՏԱՐԱՆԻ ԱՇԽԱՏԱԿԱԶՄԻ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ ՄԱՐՄԻՆՆԵՐԻ ՀԱՐՑԵՐՈՎ ՎԱՐՁՈՒԹՅԱՆ ԿՈՂՄԻՑ 2016 ԹՎԱԿԱՆԻ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ

2016 թվականի ընթացքում տեղական ինքնակառավարման և տարածքային կառավարման բնագավառում ՀՀ Լոռու մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչության աշխատանքային գործունեության հիմնական ուղղություններն են հանդիսացել.

- Տարածքային կառավարման և տեղական ինքնակառավարման համակարգերի համագործակցության արդյունավետության բարձրացումը.
- Վարչական հսկողությունը համայնքի ղեկավարի սեփական և պետության պատվիրակած լիազորությունների և համայնքի ավագանու լիազորությունների իրականացման նկատմամբ.
- Մարզի տեղական ինքնակառավարման մարմիններին մեթոդական և խորհրդատվության օգնության կազմակերպումը.
- Համայնքներում առկա խնդիրների լուծմանը քաղաքացիական հասարակության ներկայացուցիչների մասնակցության առավել ակտիվ ներգրավումը:

Տեղական ինքնակառավարման և տարածքային կառավարման համակարգերի համագործակցության հիմնական միջոցներ են հանդիսացել՝

- Մարզի խորհրդի նիստերը.
- Հանրապետական գործադիր մարմինների տարածքային ծառայությունների և համայնքների ղեկավարների մասնակցությամբ անցկացված խորհրդակցությունները.
- Համայնքների ղեկավարների և համայնքապետարանների աշխատակազմերի աշխատակիցների մասնակցությամբ անցկացված օպերատիվ և տարածաշրջանային խորհրդակցությունները.
- Մարզպետի և մարզպետարանի պաշտոնատար անձանց աշխատանքային այցելությունները համայնքներ.
- Համայնքների ՏԻՄ-երի կողմից իրականացվող գործառույթների ու կայացվող որոշումների նկատմամբ վարչական վերահսկողությունը.

- Համայնքներում առկա խնդիրների լուծմանը քաղաքացիական հասարակության ներկայացուցիչների ներգրավումը և ՏԻՄ-երի հետ համատեղ ծրագրերի իրականացումը.
- Պետական մարմինների կողմից տեղական ինքնակառավարման զարգացմանը և համայնքների ՏԻՄ-երի կարողությունների հզորացմանն ուղղված քայլերի համակարգման իրականացումը:

2016թ. ընթացքում կատարվել են հետևյալ աշխատանքները՝

ՏԱՐԱԾՔԱՅԻՆ ԿԱՌԱՎԱՐՄԱՆ ԲՆԱԳԱՎԱՌ

- Նախապատրաստվել և անցկացվել են մարզի խորհրդի 4 նիստեր: Նիստերի օրակարգերում ընդգրկվել և քննարկվել են 13 հարցեր:
- Մարզի համայնքների ՏԻՄ-երի գործունեության, համայնքների հիմնախնդիրների և հրատապ լուծում պահանջող հարցերի վերաբերյալ պարբերաբար մարզպետին, մարզպետի տեղակալներին և մարզպետարանի համապատասխան ստորաբաժանումների ղեկավարներին ներկայացվել է անհրաժեշտ տեղեկատվություն:
- Տեղական ինքնակառավարման և հանրապետական գործադիր մարմինների տարածքային ստորաբաժանումների գործունեության համակարգման բնագավառում օրենսդրությամբ մարզպետին վերապահված լիազորությունների լիարժեք և արդյունավետ իրականացման նպատակով ներկայացվել է մարզպետի 24 որոշումների և 1 կարգադրության նախագծեր:
- Իրականացվել է ՀՀ օրենսդիր, գործադիր, տարածքային և տեղական ինքնակառավարման մարմիններից, հասարակական կազմակերպություններից, քաղաքացիներից ստացված 6269 գրությունների քննարկման աշխատանքների համակարգումը 2015թ.-ի համեմատությամբ 1191-ով ավել:
- Ներկայացվել է պաշտոնական թղթակցության 1117 պատասխանների նախագծեր, 2015թ.-ին՝ 1104:
- Ուսումնասիրվել է քաղաքացիներից ստացված 77 դիմումներ, բողոքներ և առաջարկություններ, ներկայացվել են դրանց պատասխանների նախագծեր, 2015թ.-ին՝ 61:

- Կազմակերպվել է ՀՀ օրենսդիր և գործադիր մարմիններից ստացված իրավական ակտերի նախագծերի քննարկումներ, ստացված առաջարկությունները և դիտողությունները ներկայացվել են այդ մարմիններին:
- Ըստ անհրաժեշտության և ստացված հանձնարարականների կազմվել և համայնքների ՏԻՄ-երին է ուղարկվել **132** շրջաբերական գրություններ, 2016թ.-ին՝ **91**:
- Վարչության աշխատակիցները մասնակցել են **33** համայնքներում Լոռու մարզպետի 18.01.2016թ. թիվ 5-Ա որոշմամբ ստեղծված հանձնաժողովի կողմից իրականացված վարչական վերահսկողության աշխատանքներին և դրանց վերաբերյալ քննարկումներ են կազմակերպվել Լոռու մարզպետի տեղակալների մոտ: Մարզի համայնքներում իրականացված վարչական վերահսկողության արդյունքների վերլուծությունը ցույց է տվել, որ զգալի առաջընթաց կա համայնքի ղեկավարի սեփական և պետության պատվիրակած լիազորությունների և համայնքի ավագանու լիազորությունների իրականացման համար անհրաժեշտ իրավական ակտերով կարգավորվող կարգերի և ընթացակարգերի հաստատման ուղղությամբ: Բոլոր համայնքների ավագանիների կողմից հաստատվել են տեղական ինքնակառավարմանը բնակչության մասնակցության, հանրային բաց լսումների և (կամ) քննարկումների կազմակերպման և անցկացման, համայնքի ղեկավարին կից խորհրդակցական մարմինների ձևավորման և գործունեության իրականացման, ՏԻՄ-երի կամավոր լիազորությունների իրականացման կարգերը:
- Պարբերաբար կազմակերպվել է մարզպետի, նրա տեղակալների և մարզպետարանի ղեկավարների այցելությունները համայնքներ, որոնք ուղեկցվել են տեղական ինքնակառավարման մարմինների և համայնքի բնակչության հետ հանդիպում-քննարկումներով, որոնց ժամանակ բնակչությունը հնարավորություն է ունեցել ստանալ անհրաժեշտ տեղեկատվություն և բացատրություններ իրենց հուզող հարցերի վերաբերյալ:
- Համակարգվել է համայնքների 2015 թվականի բյուջեների կատարման տարեկան հաշվետվություններին մարզպետարանի ներկայացուցիչների մասնակցության աշխատանքները:

- Համագործակցելով մարզպետարանի աշխատակազմի ստորաբաժանումների և համայնքապետարանների հետ հավաքագրվել և ՀՀ փոխվարչապետ, տարածքային կառավարման նախարարի 2013 թվականի մայիսի 2-ի «ՀՀ համայնքների տեղեկատվական բազայի արդիականացման նպատակով ՀՀ համայնքներից տվյալների հավաքագրման, ամփոփման և համայնքների տեղեկատվական բազա էլեկտրոնային ծրագիր մուտքագրման կարգը հաստատելու մասին» թիվ 54-Ա հրամանով հաստատված ձևաչափերին համապատասխան ՀՀ տարածքային կառավարման և զարգացման նախարարություն է ներկայացվել 2017 թվականի հունվարի 1-ի դրությամբ մարզի համայնքների տեղեկատվական բազան:
- Պարբերաբար հավաքագրվել և ըստ եռամսյակների ՀՀ տարածքային կառավարման և զարգացման նախարարություն է ներկայացվել համայնքների ղեկավարների և ավագանիների կողմից կազմակերպված ընդունելություններին մասնակցած քաղաքացիների թվաքանակի վերաբերյալ տեղեկատվությունը, ինչպես նաև համայնքների բյուջեների հրապարակայնության (համայնքային բյուջեի եռամսյակային և տարեկան հաշվետվությունների, հաստատված բյուջեի և նրանում կատարվող փոփոխությունների) և ավագանու դերակատարության ու պատասխանատվության բարձրացման մասին տվյալները:
- Կազմակերպվել է տեղական ինքնակառավարման մարմինների կողմից ընդունված որոշումների օրինականության վերահսկումը, թերի կամ գործող օրենսդրության պահանջներին չհամապատասխանող որոշումների մասին տեղյակ է պահվել դրանք ընդունող ՏԻՄ-երին և առաջարկվել է դրանք լրամշակել, համապատասխանեցնել գործող օրենսդրությանը: 2016 թվականին ստացվել են համայնքների ավագանիների **3797** որոշումներ:
- Ըստ անհրաժեշտության և մարզպետի, մարզպետի տեղակալների և աշխատակազմի ղեկավարի հանձնարարականների վարչությունը համագործակցել է մարզպետարանի աշխատակազմերի ստորաբաժանումների հետ առկա խնդիրների համատեղ լուծման համար: Մասնավորապես՝
 - համայնքներում կազմակերպված մշակութային միջոցառումների իրականացման հետ կապված վարչությունը աջակցել է կրթության, մշակույթի և սպորտի վարչությանը,

- պետության կողմից գյուղատնտեսության ոլորտում իրականացվող ծրագրերի մասով աշխատանքներ են իրականացվել գյուղատնտեսության և բնապահպանության վարչության հետ:

- Ըստ անհրաժեշտության աշխատանքներ են տարվել հանրապետական գործադիր մարմինների տարածքային ծառայությունների հետ (զինկոմիսարիատներ, ոստիկանության մարզային վարչություն, վիճակագրության ծառայություն մարզային բաժին, փրկարարական մարզային վարչություն, «Ճանապարհային ոստիկանություն» ծառայության Վանաձորի հաշվառման քննական բաժանմունք և այլ ծառայություններ):
- Վարչությունը ակտիվ մասնակցություն է ունեցել «Լոռի-Արցախ» մարզային հանձնախումբի կողմից Լեոնային Ղարաբաղի Հանրապետությանն աջակցելու և հումանիտար օգնություն տրամադրելու համար դրամահավաքի կազմակերպման, ինչպես նաև «Հայաստան» համահայկական հիմնադրամի «Մարաթոն-2016» դրամահավաքի աշխատանքներին:

ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԲՆԱԳԱՎԱՌ

- 2016 թվականին անցկացվել են ՏԻՄ-երի հերթական և արտահերթ ընտրություններ **94** համայնքներում, որից **79**-ում համայնքի ղեկավարի և ավագանու անդամների, **5**-ում համայնքի ղեկավարի, **10**-ում ավագանու անդամների:
- Վարչությունը մշտական մեթոդական, խորհրդատվական, գործնական օգնություն է ցուցաբերել 2016 թվականի փետրվարի 14-ին Թումանյան, Մարց, Քարինջ, Լորուտ, Շամուտ, Աթան, Ահնիձոր համայնքները միավորման արդյունքում ձևավորված նոր Թումանյան համայնքի տեղական ինքնակառավարման մարմիններին:
- ՏԻՄ ընտրությունների նախապատրաստման և անցկացման կազմակերպման աշխատանքներում աջակցություն է ցուցաբերվել մարզի ԸԸՀ-երին և տեղամասային ընտրական հանձնաժողովներին:
- ՀՀ ոստիկանության անձնագրային և վիզաների վարչությունից ստացվել և համայնքապետարաններին է տրամադրվել 2015թ.-ի երկրորդ և 2016թ.-ի առաջին կիսամյակներում բնակչության պետական ռեգիստրում հաշվառված և հաշվառումից հանված քաղաքացիների ցուցակները:

- Կարևորելով ՏԻՄ-երի բյուջետային կարողությունների զարգացումը և տեղական եկամուտների հավաքագրման աճի ապահովումը՝ մարզի բոլոր համայնքների ղեկավարներին և համայնքապետարանների աշխատակազմերին մշտական խորհրդատվական, մեթոդական, գործնական օգնություն է ցուցաբերվել համայնքների բյուջեների սեփական եկամուտների հավաքագրման կազմակերպման հարցում: Իրականացվել է բյուջեների սեփական եկամուտների ցածր հավաքագրում, աշխատավարձերի և սոցիալական ապահովագրության գումարների պարտքեր ունեցող համայնքների տեղական ինքնակառավարման մարմինների գործունեության վերլուծություններ և արդյունքները քննարկվել են մարզպետի տեղակալների կողմից անցկացված խորհրդակցությունների ժամանակ: Բյուջեների սեփական եկամուտների ցածր հավաքագրում ունեցող համայնքների ղեկավարներին ուղարկվել են գրություններ:
- 2016** թվականին մարզի համայնքների բյուջեների սեփական եկամուտները կատարվել են **95,5** %-ով (**2015** թվականին՝ **99,8** %), 2015 թվականի համեմատությամբ հավաքագրված սեփական եկամուտների գումարների աճը կազմել է **0,4** %:
- Աջակցություն է ցուցաբերվել համայնքապետարանների աշխատակազմերին գույքահարկի բազաների վարման աշխատանքները կազմակերպելու հարցում, ՀՀ ոստիկանության «Ճանապարհային ոստիկանություն» ծառայությունից ստացվել և աշխատակազմերին է տրամադրվել ֆիզիկական և իրավաբանական անձանց անվամբ հաշվառված տրանսպորտային միջոցների ցանկը: Ամիսը մեկ անգամ «Ճանապարհային ոստիկանություն» ծառայության Վանաձորի հաշվառման քննական բաժանմունքից ստացվել, տեսակավորվել և ըստ համայնքների աշխատակազմերին է տրամադրվել հաշվառված և հաշվառումից հանված տրանսպորտային միջոցների ցուցակները:
- 2016 թվականին մարզի բոլոր համայնքների (բացառությամբ՝ Վանաձոր և Գյուլագարակ համայնքների) ավագանիները հաստատել են համայնքի զարգացման հնգամյա ծրագրերը, դրանք կազմվել և հաստատվել են ՀՀ տարածքային կառավարման և զարգացման նախարարության կողմից մշակված նոր մեթոդաբանության: Սպիտակ համայնքի ավագանին տարվա ընթացքում հաստատել է համայնքի զարգացման քառամյա ծրագիրը հին մեթոդաբանությամբ, առաջիկայում կհաստատվի հնգամյա ծրագիրը նոր մեթոդաբանության համաձայն:

- Իրականացվել են աշխատանքներ Երևանում կայացած ՏԻՄ-երի կազմավորման 20-ամյակին նվիրված միջոցառմանը մարզի ներկայացուցիչների մասնակցության ապահովման ուղղությամբ:

ՀԱՄԱՅՆՔԱՅԻՆ ԾԱՌԱՅՈՒԹՅԱՆ ԲՆԱԳԱՎԱՌ

- Համայնքապետարանների աշխատակազմերի համայնքային ծառայության թափուր պաշտոնները զբաղեցնելու համար հայտարարվել են **139** մրցույթներ, որոնցից կայացել են **75**-ը: Մրցույթներին մասնակցելու համար դիմել են **99** քաղաքացիներ, մրցույթներին մասնակցել են **96**-ը: Մրցույթների արդյունքում հաղթող են ճանաչվել **75** մասնակիցներ, նրանցից **74**-ը նշանակել են թափուր պաշտոններում:
- Ապահովվել են համայնքային ծառայության թափուր պաշտոնները համալրելու համար հայտարարված մրցույթների հրապարակայնությունը՝ մարզպետարանի կայք էջում մշտապես տեղադրվել են հայտարարված մրցույթների վերաբերյալ տեղեկատվությունը, բացի այդ պատշաճ կերպով կազմվել և սահմանված ժամկետներում ՀՀ տարածքային կառավարման և զարգացման նախարարություն են ներկայացվել համայնքային ծառայության թափուր պաշտոնները համալրելու համար հայտարարված մրցույթների հայտարարությունները և ժամանակացույցերը: Մրցույթների արդյունքների վերաբերյալ տեղեկատվությունը ամիսը մեկ անգամ ներկայացվել է ՀՀ տարածքային կառավարման և զարգացման նախարարություն և հանրային իրազեկման նպատակով դրանք տեղադրվել են մարզպետարանի կայքում:
- Վարչության աշխատակիցները համայնքային ծառայության մրցութային և ատեստավորման հանձնաժողովների կազմում մասնակցել են մարզի համայնքապետարանների աշխատակազմերի **86** համայնքային ծառայողների ատեստավորման աշխատանքներին:
- ««Մաստեր Սթայլ» ՍՊԸ-ի» ՀԿ-ի հետ կազմակերպվել է մարզի համայնքապետարանների աշխատակազմերի **80** համայնքային ծառայության պաշտոններ զբաղեցնող համայնքային ծառայողների վերապատրաստումը:

- ՀՀ տարածքային կառավարման և զարգացման նախարարության կողմից իրականացվել են մարզի 8 համայնքապետարանների աշխատակազմերի կադրային գործի վարման նկատմամբ վերահսկողություն, հայտնաբերված թերությունների վերացման ուղղությամբ ձեռնարկվել են անհրաժեշտ միջոցներ և արդյունքների մասին տեղեկատվությունը ներկայացվել է ՀՀ տարածքային կառավարման և զարգացման նախարարություն: Իրականացված վերահսկողությունից հետո վերլուծվել են հայտնաբերված ընդհանրական թերությունները և շրջաբերական գրությամբ բոլոր համայնքների ղեկավարներին առաջարկվել է միջոցներ ձեռնարկել դրանց վերացման և կանխարգելման ուղղությամբ: Պետք է նշել, որ նախորդ տարիների համեմատ զգալիորեն նվազել են արձանագրված թերությունները:
- Քննարկվել են համայնքների քաղաքապետարանների և գյուղապետարանների աշխատակազմերի համայնքային ծառայության անվանացանկերում փոփոխություններ կատարելու վերաբերյալ առաջարկությունները և դրանք ներկայացվել են ՀՀ տարածքային կառավարման և զարգացման նախարարին: Տարվա ընթացքում աշխատակազմերի համայնքային ծառայության 8 պաշտոններ հանվել են:
- Մարզի քաղաքապետարանների և գյուղապետարանների աշխատակազմերից մշտապես հավաքագրվել են համայնքային ծառայողների մասին անհրաժեշտ տեղեկությունները (գրանցամատյան Զև 1, 2):
- Մշտական մեթոդական և գործնական օգնություն է ցուցաբերվել մարզի տեղական ինքնակառավարման մարմիններին ՏԻՄ ոլորտի գործող օրենսդրության և հատկապես «Տեղական ինքնակառավարման մասին» և «Համայնքային ծառայության մասին» ՀՀ օրենքների կիրարկման և գործավարության կազմակերպման հարցերում:

ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ԿԻՐԱՌՈՒՄԸ ՄԱՐԶԻ ՀԱՄԱՅՆՔՆԵՐՈՒՄ

- Մարզի 107 համայնքներից 57-ը ապահովված են համայնքային կառավարման տեղեկատվական համակարգով՝ 53.3% :
- Մարզի 52 համայնքներ ունեն ինտերնետային կայքեր, սակայն այդ կայքերի շահագործման մակարդակը գոհացուցիչ չէ: 52 կայքերում ՀՀ տարածքային կառավարման և զարգացման նախարարության կողմից իրակացվել է մշտադիտարկում,

որի արդյունքում որպես սահմանված կարգով վարվող կայքեր են համարվում մարզի 21 համայնքների կայքերը (ՀԿՏՀ ունեցող համայնքների 37.5%): Վարչության կողմից հետևողական աշխատանքներ են կատարվում համայնքների կողմից այդ կայքերում առկա նյութերի թարմացման ուղղությամբ:

- ՀԿՏՀ ներդրած 40 համայնքների համակարգերը միացված են Mullbery համակարգին՝ էլեկտրոնային փաստաթղթաշարժ իրականացնելու նպատակով: Այդ համայնքներից մեծ մասը փաստաթղթաշարժը մարզպետարանի հետ չեն իրականացնում այդ համակարգում տարաբնույթ տեխնիկական անսարքությունների պատճառաբանությամբ:
- Մարզի բոլոր համայնքները ապահովված են համակարգիչներով, սակայն որոշ համայնքներում առկա է 1 համակարգիչ, որով վարվում են նաև համայնքի գույքահարկի և հողի հարկի բազաները, իսկ այդ համակարգիչներով այլ գործառնություններ կատարելը խորհուրդ չի տրվում: Բացառությամբ Անտառաշեն համայնքից մարզի բոլոր համայնքների հետ փաստաթղթային շրջանառություն իրականացվում է էլեկտրոնային փոստի միջոցով: Անտառաշենի գյուղապետարանին էլեկտրոնային փոստ չի տրամադրվել ինտերնետի բացակայության պատճառով:
- Հուլիս ամսին տեղեկատվական համակարգերի զարգացման և վերապատրաստման կենտրոնը իրականացրել է մարզի համայնքների կողմից ՀԿՏՀ շահագործման մշտադիտարկում, որի արդյունքները քննարկվել է մարզպետարանում, համայնքապետարանների և ՏՀԶՎԿ համապատասխան ներկայացուցիչների մասնակցությամբ:

ՏԱՐԱԾՔԱՅԻՆ ԿԱՌԱՎԱՐՈՒՄ, ՏԵՂԱԿԱՆ ԻՆՔՆԱԿԱՌԱՎԱՐՈՒՄ ԵՎ

ՔԱՂԱՔԱՅԻԱԿԱՆ ՀԱՍԱՐԱԿՈՒԹՅՈՒՆ

- Քաղաքացիական հասարակության կայացման ու որոշումների ընդունման գործընթացում բնակչության և քաղաքացիական ակտիվ խմբերի մասնակցության ապահովման, կառավարման գործընթացներում հասարակության տարբեր խավերի մասնակցությունը համայնքային և մարզային զարգացման ծրագրերի մշակման և

իրականացման, տարածքային և տեղական ինքնակառավարման մարմինների առավել թափանցիկ գործունեությունն ապահովելու նպատակով, մարզպետարանի աշխատակազմի, համայնքների ղեկավարների, մարզի հասարակական կազմակերպությունների ջանքերով 2016թ.-ի ընթացքում իրականացվել է հետևյալ միջոցառումները՝

- Մարզի տարածքում գործող ԶԼՄ-ների միջոցով պարբերաբար հաղորդումներ են հեռարձակվել՝ ներկայացնելով մարզպետի, մարզպետարանի և մարզային ենթակայության կազմակերպությունների, համայնքների ՏԻՄ-երի գործունեությունը, գոյություն ունեցող հիմնախնդիրները և իրականացվող ծրագրերը:
- Մարզի զարգացման ծրագրի իրականացման ընթացքի, ինչպես նաև՝ մարզի տարածքում պետական բյուջեի և միջազգային տարբեր կազմակերպությունների կողմից իրականացվող ծրագրերի մասին տեղեկատվությունը առաքվել են բոլոր համայնքներին շրջաբերականների, ինտերնետային կայքէջի, մարզում գործող ԶԼՄ-ների միջոցով:
- Հասարակական կազմակերպությունների և զանգվածային լրատվամիջոցների ներկայացուցիչները մասնակից են դարձել մարզխորհրդի նիստերին, մարզպետարանում հրավիրվող տարբեր քննարկումներին, հասարակական լսումներին:
- Պարբերաբար իրականացվել են մարզպետարանի ինտերնետային կայքէջի թարմացման աշխատանքներ, հանրային իրազեկման նպատակով կայքում տեղադրվել են մարզպետի որոշումներն ու կարգադրությունները, ՏԻՄ-երի որոշումները, առանձին բաժիններում տեղադրվել են մարզային բնույթի տարբեր խնդիրներին վերաբերող տեղեկատվական նյութեր:
- Ուշադրություն է դարձվել համայնքապետարաններում և համայնքի բնակչության համար առավել տեսանելի վայրերում տեղեկատվական ցուցատախտակների առկայությանը, համայնքի ղեկավարի և համայնքի ավագանու որոշումների վերաբերյալ համայնքների բնակչությանը իրազեկելու նպատակով դրանք տեղադրվել են մարզպետարանի կամ համայնքապետարանների ինտերնետային կայք էջերում, մեկական օրինակ փակցվել են համայնքապետարաններում առկա տեղեկատվական տախտակներին և հանրության համար առավել մատչելի

վայրերում: Հարկ է նշել, որ դեռևս համայնքների զգալի մասում ցածր է ՏԻՄ-երի գործունեության հրապարակայնության և թափանցիկության մակարդակը, որոշ համայնքներում տեղեկատվական ցուցատախտակներին չեն փակցվում ՏԻՄ-երի կողմից ընդունված որոշումները կամ դրանք ուշ են թարմացվում:

- Անհրաժեշտությունից ելնելով հասարակական կազմակերպությունների ջանքերով կազմակերպվել են բնակչության իրազեկման ծրագրեր: Ուշադրություն է դարձվել համայնքների զարգացման հնգամյա ծրագրերի, համայնքային բյուջեների կազմման և բյուջեների կատարման տարեկան հաշվետվությունների հաստատման հրապարակայնության գործընթացի վրա և կազմակերպվել են հանրային բաց լսումներ և (կամ) քննարկումներ: Համատեղ իրազեկման ծրագրեր են իրականացվել Հայաստանի երիտասարդ կանանց ասոցիացիայի և «Համայնքների համախմբման և աջակցման կենտրոն» ՀԿ-ի հետ:
- Ժուռնալիստների «Ասպարեզ» ակումբը Համայնքների ֆինանսիստների միավորման եւ ԱՄՆ ՄԶԳ դրամաշնորհային աջակցությամբ իրականացվող «Հանրային մասնակցություն տեղական ինքնակառավարմանը» (**ՀաՄաՏեղ**) ծրագրի շրջանակներում 2016 թվականին իրականացրել է ՀՀ բոլոր տեղական ինքնակառավարման մարմինների կողմից ՀՀ «Տեղական ինքնակառավարման մասին» օրենքով եւ «Տեղեկատվության ազատության մասին» օրենքով սահմանված թափանցիկության, հանրային հաշվետվողականության եւ մասնակցության ապահովման պարտավորությունների դիտարկման (մոնիտորինգ): Մոնիտորինգի հարցումներով գրեթե բոլոր ցուցանիշներով լավագույնը Լոռու մարզն է, որը հիմնականում պայմանավորված է վարչության համակարգված և արդյունավետ աշխատանքով:

ԱՐՏԱԿԱՐԳ ԻՐԱՎԻՃԱԿՆԵՐՈՒՄ ՄԱՐԶԻ ԲՆԱԿՉՈՒԹՅԱՆ ՊԱՇՏՊԱՆՈՒԹՅԱՆ ԲՆԱԳԱՎԱՌ

- ՀՀ Լոռու մարզպետի որոշումներով մարզի տարածքում կազմակերպվել և անց են կացվել «Մարզի բնակչության պաշտպանության համակարգի նախապատրաստման տարեկան հիմնական միջոցառումների պլան»-ով սահմանված՝

- Հրամանատարաշտաբային ուսումնավարժություն՝ Ալավերդի քաղաքում «Թումանյանի տարածաշրջանի խոշոր անտառային հրդեհների հրդեհաշիջման կազմակերպումը» թեմայով:

- Շտաբային ուսումնավարժություններ.

- Վանաձոր քաղաքում «Սուր վարակիչ հիվանդությունների օջախի վերացման կազմակերպում» թեմայով.

- «Գյուղատնտեսական կենդանիների վարակիչ հիվանդությունների օջախի վերացում» թեմայով Լեռնապատ, Բագում, Հալավար, Լեռնանցք, Գոգարան, Լեռնահովիտ, Սարամեջ, Լերմոնտովո, Մարգահովիտ և Ֆիոլետովո համայնքների կողմից.

- «Ջրհեղեղների, հեղեղումների և սելավների դեպքում բնակչության պաշտպանության կազմակերպում և հետևանքների վերացում» թեմայով Տաշիր, Միխայլովկա, Պետրովկա, Նորաշեն, Սարչապետ, Արծնի, Ապավեն, Ջյունաշող, Մեծավան և Ձորամուտ համայնքների կողմից.

- «Սուր վարակիչ հիվանդությունների օջախի վերացման կազմակերպում» թեմայով Արջուտ, Բովաձոր, Այգեհատ, Արևածագ, Հագվի, Ծաթեր, Կարմիր Աղեկ, Ուրասար և Մղարթ համայնքներում:

- Մարզի թվով 72 համայնքների կողմից անց են կացվել շտաբային ուսումնավարժություններ՝ «Սելավների առաջացման դեպքում բնակչության պաշտպանության կազմակերպում և հետևանքների վերացում», «Խաղաղից ռազմական դրության անցնելու դեպքում ՔՊ միջոցառումների կազմակերպումը» և «Ուժեղ երկրաշարժի դեպքում բնակչության պաշտպանության կազմակերպում և հետևանքների վերացում» թեմաներով:

- Հատուկ տակտիկական ուսումնավարժություններ.

- ՔՊ միջազգային օրվա կապակցությամբ վարչության անձնակազմի մասնակցությամբ անց են կացվել հատուկ տակտիկական ուսումնավարժություններ՝ Վանաձորի թիվ 1, Արմանիսի, Գուգարքի հիմնական և Մեծավանի թիվ 1 միջնակարգ դպրոցներում «Հակառակորդի օդուժի հարձակման դեպքում պատասպարման միջոցառումների կազմակերպումը» թեմայով, իսկ Կաթնաջուրի, Օձունի թիվ 2 միջնակարգ և Վանաձորի թիվ 3 հիմնական դպրոցներում «Հակառակորդի հարձակման սպառնալիքի դեպքում տարահանման կազմակերպումը» թեմայով.

- ԱԻ աշխատակցի օրվա կապակվությամբ անց են կացվել հատուկ տակտիկական ուսումնավարժություններ՝ Վանաձորի թիվ 22 հիմնական և Դարպասի միջնակարգ դպրոցներում՝ «Հրդեհի առաջացման դեպքում հրդեհաշիջման աշխատանքների կազմակերպումը» թեմայով, Սպիտակ թիվ 5 և Տաշիրի թիվ 2 հիմնական դպրոցներում՝ «Հրդեհի դեպքում տարահանման կազմակերպումն ու իրականացումը» թեմայով, իսկ Ագարակի, Ալավերդու թիվ 7 և Փամբակի միջնակարգ դպրոցներում՝ «Հրդեհի հետևանքով տուժածներին առաջին բուժօգնության ցուցաբերումը» թեմայով: Սեպտեմբերի 12-ին և 13-ին Վանաձորի թիվ 10 ավագ, Ախթալայի թիվ 1 միջնակարգ, Գարգառի միջնակարգ, Մեղովկայի միջնակարգ, Վանաձորի թիվ 5 ավագ, Դեբեդի միջնակարգ և Շիրականուտի թիվ 1 միջնակարգ դպրոցներում՝ «ՀՀ ԱԻ նախարարության գործունեությունը և հիմնական խնդիրները» թեմայով անց են կացվել դասախոսություններ:

- Վանաձոր քաղաքում անց է կացվել ցուցադրական հատուկ տակտիկական ուսումնավարժություն «ՃՏՊ-ի հետևանքով միջին ճնշման գազատարում առաջացած վթարի հետևանքների վերացում» թեմայով,

- «Հիվանդների պաշտպանության միջոցառումների կազմակերպումը հրդեհի դեպքում» թեմայով «Ստեփանավանի բժշկական կենտրոն» ՓԲԸ-ի կողմից,

- «Էներգետիկ համակարգում վթարի հետևանքի վերացում» թեմայով «ՀԷՑ» ՓԲԸ Դեբեդ մասնաճյուղի Ալավերդու էլ. ցանցի կողմից,

- «Ջրամատակարարման ցանցում վթարի դեպքում հետախուզության և վթարավերականգնողական աշխատանքների իրականացում» թեմայով «Լոռի-ջրմուղկոյուղի» ՓԲԸ-ի կողմից,

- «Միջին ճնշման գազատարում առաջացած վթարի հետևանքների վերացում» թեմայով «Գազպրոմ Արմենիա» ՓԲԸ Լոռի ԳԳՄ-ի Գուգարքի ՏՏ-ի կողմից:

- Օբյեկտային վարժանքներ

- «Երկրաշարժի հետևանքով մասնակի փլուզված, «Վանաձորի բժշկական կենտրոն»-ում որոնողափրկարարական և անհետաձգելի վթարավերականգնողական աշխատանքների իրականացումը» թեմայով «Վանաձորի բժշկական կենտրոն» ՓԲԸ-ի կողմից,

- «Սուր վարակիչ հիվանդությունների առաջացման դեպքում անհետաձգելի միջոցառումների կազմակերպումը» թեմայով «Վանաձորի ինֆեկցիոն հիվանդանոց» ՊՓԲԸ-ի կողմից,

- 11.11.2016թ. «Հիվանդների տարահանման միջոցառումների կազմակերպումը հրդեհի դեպքում» թեմայով «Տաշիրի բժշկական կենտրոն» ՓԲԸ-ի կողմից,

- Վանաձոր քաղաքի թիվ 22 հիմնական դպրոցում և Ստեփանավան քաղաքի թիվ 6 հիմնական դպրոցում անցկացվել է «Ուժեղ երկրաշարժի ժամանակ դպրոցի ղեկավար կազմի և շահագրգիռ կազմակերպությունների գործողություններն ու փոխհամագործակցությունը» թեմայով ցուցադրական վարժանքներ:
- Ճշտգրտվել են «Լոռու մարզի քաղաքացիական պաշտպանության» և «Լոռու մարզի տարահանման» պլանները:
- Համաձայն ՀՀ Լոռու մարզպետի կողմից հաստատված պլանի կազմակերպվել է ՀՀ ԱԻՆ «Ճգնաժամային կառավարման պետական ակադեմիա» ՊՈԱԿ-ում 2016 ուսումնական տարում ՀՀ Լոռու մարզպետարանի աշխատակազմի, մարզի համայնքների և կազմակերպությունների ղեկավար աշխատողների և մասնագետների պատրաստման դասընթացների մասնակցությունը: Համաձայն հաստատված պլանի տարվա ընթացում դասընթացներին պետք է մասնակցեին 45 ունկնդիր, որոնցից մասնակցել են 39-ը: